


# Svjetski dan staništa

3. oktobar 2022. godine

Kao i svake godine, prvi ponedjeljak u mjesecu oktobru se obilježava kao Svjetski dan staništa. Generalna Skupština Ujedinjenih naroda je odabrala prvi ponedjeljak u oktobru svake godine za obilježavanje Svjetskog dana staništa, kako bi se osvrnuli na stanje naših staništa i na osnovna prava svih na adekvatno sklonište. Također, dan je namijenjen da nas sviju podsjeti da imamo moć i odgovornost da oblikujemo budućnost naših gradova i svih mjesta u kojima živimo.



Ujedinjeni narodi su 1985. sa temom „Mjesto stanovanja i sklonište je pravo svakog građana“, započeli inicijativu obilježavanja ovog dana, a započeto je od ideje da se osvrnemo na stanje u našim gradovima i na osnovno pravo ljudi na adekvatno stanište. Također je namijenjen da podsjeti svijet na njegovu kolektivnu odgovornost za budućnost ljudskog staništa. Kao i svake godine, ovaj dan nosi zasebnu tematiku, te ovogodišnja tema je „Ne zaboravimo nikoga i ne ostavljajmo nikoga bez sigurnog skloništa i mjesta stanovanja“ sa fokusom na stanje stanovanja ljudi širom svijeta i njihovo pravo na sklonište. Mnoge zemlje obilježavaju ovaj dan širom svijeta, implementirajući različite aktivnosti i ističući probleme rapidne urbanizacije i njenog uticaja na siromaštvo.

Nejednakost i siromaštvo itekako utiče na naseljenost i stanovanje određenih područja, na šta se stavlja i fokus pri rješavanju problematike urbanog razvoja. Pored navedenog, bitno je istaknuti i povezanost nejednakosti i gubitka biodiverziteta, jer biodiverzitet nam pruža osnovne usluge za opstanak poput hrane, vazduha, čiste vode, te regulisanje otpada, koje su ključne u rješavanju pitanja skloništa i urbanog razvoja.

Obzirom da se fokus stavlja na urbani razvoj, uočavamo da neodrživa urbana područja predstavljaju veliku prijetnju biodiverzitetu. Stoga, pored pružanja adekvatnog skloništa i

ostalim uslugama svim stanovnicima gradova širom svijeta, neophodno je pronaći rješenje, koje neće šteti biodiverzitetu, a omogućit će stvaranje održivije budućnosti za svijet. Prema tome, pravo na adekvatno sklonište je pravo svakog građana podjednako.

Ove godine se održava 15. sastanak konferencije stranaka (COP 15) koji se održava u Montrealu u Kanadi, i koji ima značajnu ulogu u navedenoj problematici, jer Globalni Okvir za Biodiverzitet poslije 2020. godine će obuhvatiti i tematiku za urbani razvoj. Nacrt okvira obuhvata plan za transformativne promjene o tome kako cijeliti biodiverzitet i kako štiti našu planetu za sve buduće generacije. Navedeni okviri uključuju i specifične ciljeve za pružanje prednost zelenih i plavih površina urbanim stanovnicima, razvoj održivih gradova i prehrambenih sistema, zaustavljanje gubitka biodiverziteta, te jačanje klimatskih akcija. Stoga tematika urbanog razvoja, njegovog uticaja na čovjeka i biodiverzitet je problematika na kojoj je neophodno raditi kako bi se obezbjedilo sigurno stanište, mjesto stanovanja i sklonište svim građanima širom svijeta.